


Nalaz crnogrglog plijenora (*Gavia arctica*) u zimu 2009. na rijeci Bosni – Zenica

Black-throated Loon (*Gavia arctica*) in winter 2009 on River Bosna, in Zenica: In December 2009, an individual of Black-throated Loon (*Gavia arctica*) was observed in the area of Bilimišće (Zenica). This species was also recorded in the Žepačko polje, in 2007 and 2008

Od četiri evropske vrste plijenora u Bosni i Hercegovini [Kotrošan, D. & Dročić, N., 2010-2011: Treći dopunjeni i revidirani sistematski pregled ptica Bosne i Hercegovine. Unutar: S. Lelo (urednik), Fauna Bosne i Hercegovine – Biosistematski pregledi, izmijenjeno i dopunjeno interno izdanje Udruženja za inventarizaciju i zaštitu životinja, Ilijaš, Kanton Sarajevo, 6-7: 304-30] su registrovane plijenor crvenogrli (*Gavia stellata*), plijenor crnogrli (*Gavia arctica*) i plijenor bjelogrli (*Gavia immer*). Niske temperature u drugoj polovini decembra 2009. godine rezultirale su djelimičnim zaleđivanjem rijeke Bosne. Duž cijelog toka rijeke, od Zenice do Žepča,

pojavljuje se veliki broj doselica, naročito patki gluhara (*Anas platyrhynchos*), velikih vranaca (*Phalacrocorax carbo*), riječnih galebova (*Chroicocephalus ridibundus*), sivih čaplji (*Ardea cinerea*), ali i mnogih rjeđih vrsta. Jedan primjerak crnog plijenora (*Gavia artica*) je opažen, posmatran i fotografiran 20.12.2009. godine između 8.45 i 9.30 h u Zenici, na lokalitetu Bilimišće (ušće: N: 44 11 45; E: 17 55 16). Ovu vrstu plijenora smo i ranije opažali u dva navrata na području Žepča (lok. Žepačko polje – želj.most, XII/2007. i I/2008. godine), ali je nalaz iz Zenice prvi fotodokumentovan. Spomenuti zenički lokalitet je jedna od stalnih tačaka posmatranja ptica, a uz lokalitete Blatuša – Kanal mjesto okupljanja većeg broja ptica vezanih za život uz vodu. Osim gore nabrojanih vrsta, ovdje su zabilježene mnoge vrste guski (*Anser albifrons*, *Anser fabalis*, *Anser anser*), patki (*Anas strepera*, *Anas penelope*, *Anas querquedula*, *Anas crecca*, *Aythya ferina*, *Aythya fuligula* i *Aix galericulata*), čaplji (*Ardea alba*, *Ardea purpurea*; *Egretta garzetta*; *Ardeola ralloides*) i galebova (*Hydrocoloeus minutus*, *Icthyaeetus melanocephalus*; *Larus canus* i *Larus michahellis*).



Slika 1. Crnogrlji plijenor na rijeci Bosni u Zenici (Foto: Narcis i Sumeja Dročić)

Figure 1. Black-throated Loon on River Bosna, in Zenica (Photo: N. & S. Dročić)

Narcis Dročić i Sumeja Dročić,
Ornitološko društvo "Naše ptice", Semira Frašte 6, 71000 Sarajevo, naseptice@hotmail.com